

- Non. — Sier Zuan Baptista Bonzi, fo proveditor sopra le camere, qu. sier Marin
- † 2. Sier Marin Griti, fo proveditor al sal, qu. sier Triadan 97. 52
15. Sier Alvixe Zen, fo ai X officj, qu. sier Francesco 48. 101
4. Sier Bernardo Navaier, fo di Pregadi, qu. sier Andrea 64. 83
- Non. — Sier Tadio Contarini, fo di Pregadi, qu. sier Andrea procurator
9. Sier Alvixe Zustignan, fo ai X savj, qu. sier Marin 73. 70
14. Sier Hironimo Renier è di la zonta, qu. sier Constantin 69. 76
7. Sier Bernardo Bondimier, fo di Pregadi, qu. sier Zuane 56. 85
3. Sier Marco da Molin, fo proveditor sora i officj, qu. sier Antonio 49. 98
11. Sier Piero Gabriel è di Pregadi, qu. sier Hironimo 55. 88
10. Sier Polo Contarini è proveditor sora i officj, qu. sier Bortolo 63. 78
12. Sier Hironimo Contarini, fo podestà e capitano a Trevixo, qu. sier Bertuzzi el cavalier 44. 96
6. Sier Moisè Venier, fo di Pregadi, qu. sier Moisè 70. 79
- Non. — Sier Iacomo Michiel è di Pregadi, qu. sier Thoma

Queste sono galie restade fuora, 1503 a di primo zener. Le altre veneno a disarmar.

- Sier Zuan Vituri parti 19 zugno 1501
- Sier Zacaria Loredan » 23 fevrer
- Sier Hironimo Contarini proveditor » 2 mazo 1502
- Sier Pexaro da cha da Pexaro » 11 april 1503
- Sier Andrea Bondimier » 15 ditto
- Sier Bortolo Dandolo » 22 ditto
- Sier Marco Gradenigo » 27 ditto
- Sier Zuan Francesco Polani
- Sier Marco Loredan

Galie di Dalmatia.

- Sier Iacomo De Barbis da Liesna parti 28 april 1501

Sier Antonio de Zorzi da Veja parti 17 mazo

Sier Cresole Cedolini da Zara 1 mazo 1502 350*

A di 20 zener. In Colegio, sabato, fo el di di San Sebastian, vene l'orator di Franza, dicendo aver lettere dil governor di Milan e dil senato regio, che voriano far li soi testoni valesse 6 mocenigi; et che era venudo qui el mistro di le monede, qual fo introduto. Et il principe li disse, ditti testoni, a tempo dil signor Lodovico, perchè non erano di la bontà, fo statuidi valer *solum* soldi 28, ma che al presente si saria con li nostri di zecha et Zuan di Marin, e si vederia; e che la Signoria vol le so monede fine, et che è un signor in Italia che le falsifica; et che li ducati bolognesi cala soldi 8, et li cruciati ducati, ch'è bon oro, e li venetiani vien disfati etc.

Vene il legato e portò uno breve dil papa, di 10, la copia dil qual sarà qui soto scritto, e fatolo lezer. Poi si parlò longo, e disse la Signoria havia scritto per il Consejo di X a l'orator dicesse al papa esso legato parlava licentiosamente *et temerarie*, et che fosse levato di qui; et che havia di questo aviso dil papa, et che lui non meritava questo, ma feva l'officio dil bon orator, ma quel orator nostro non fa l'officio el doveria dicendo mal di lui; e che 'l papa l'ha in odio; e atende a beneficj e ne ha uno di ducati 800 qual è repostato in man dil vescovo di Trevixo a soa requisition; e che l'è stà 4 anni qui a tempo di papa Alexandro e sempre (à) messo ben; et che 'l papa *omnino* vol le terre et non è lui quello, e sa che questa materia è cativa, non pol reussir ben. Aricordò da prima si mandasse una viva voce di altro orator al papa; la Signoria non volse. *Item*, fè lezer una lettera li scrivea el cardinal San Zorzi in materia di Forlì etc.; e qui fè longi discorsi con colera, dicendo è anni 24 va per il mondo, sempre à fato ben. Et il principe li rispose da si che 'l papa havia gran torto; et qui fè qualche discorso di meriti nostri, et che haveamo tolte queste terre di man di un inimicho di la Chiesa liberate dal censo, e nui voleamo pagar il censo tolto, *solum* per conservation dil nostro stado e aver dove si possi tenir zente d'arme in Romagna a beneficio di la Chiesa; e che 'l papa hora ne scriva siamo usurpatori, questo non meritamo; e si volessesmo e Cesena e Forlì e Ymola, sariano nostre; e che 'l ha gran torto; pregando esso legato metesse ogni dolceza; con molte parole di tal sustanzia. Et parlò saviamente, *adeo* esso legato non sape che dir altro, *solum* per lui non mancheria scriver.